

STUDIJ U ČEŠKOJ REPUBLICI ZA AKADEMSKU GODINU 2008/ 2009

Studiranje u Češkoj?!

U Češkoj postoje 64 registrovane institucije visokog obrazovanja. Od tog broja 27 javnih ili državnih univerziteta nude studij na ukupno 135 fakulteta. Ostalih 37 institucija ima privatni status. Standardni period studija su **tri godine**. Apsolventi stiču zvanje Bakalar Bc. (ili prvi stepen visoke škole). Standardni period studija prema **magistarskom programu** je 4-6 godina, a u slučaju da nastavlja na trogodišnji studij traje 2-3 godine. Apsolventi stiču titulu: inženjer (Ing.), magistar (Mgr.), inženjer arhitekture (Ing.arch.), doktor medicine (MUDr.), stomatolog (MDDr.), doktor veterine (MVDr.). Standardni period studija **doktorskog programa** traje tri godine. Apsolventi stiču akademsku titulu doktor (PhD.) ili doktor teologije (ThD.).

Šta se u Češkoj može studirati, po kojim uslovima i na kojem jeziku?

Studiranje na **privatnim** školama za visoko obrazovanje se uglavnom plaća. Za više informacija o uslovima studiranja i prijemnog ispita obratite se direktno toj instituciji. Kandidat iz BiH može studirati na bilo kojem **državnom** ili **privatnom** fakultetu, ako ispunjava tražene uslove. Neki od fakulteta nude studiranje i na engleskom jeziku, koje se većinom plaća. **Studiranje BiH studenata na češkom jeziku je besplatno!**

U tom slučaju student dobiva isti status kao i češki studenti, tj. mogućnost stanovanja u studentskom domu, ishrana u menzi, jeftinija karta za gradski prevoz, itd. **Studentski sistem u ČR je napravljen tako da su troškovi studenta svedeni na minimum.** Često je dovoljno za početak osnovno poznavanje jezika, a neki umjetnički fakulteti prethodno znanje jezika uopšte nezahtjevaju. **Češki jezik** je moguće učiti na Filozofskom fakultetu u **Banja Luci**. Kurseve organizuje Ambasada ČR u BiH i Udruženje čeških sunarodnjaka Češka beseda u Sarajevu. U Mostaru i Tuzli moguće je dogovoriti individualne časove.

Šta nudi program stipendiranja?

Ambasada Češkoj Republici u Bosni i Hercegovini posreduje nekoliko načina programa stipendiranja, na **češkom** ili **engleskom** jeziku. Studiranje na češkom jeziku podrazumijeva kurs jezika, koji se odvija u ČR prije početka ili u toku studija. Stipendija je obično u visini koja pokriva normalne troškove studenta.

Šta trebam uraditi ukoliko imam interes za studiranje u Češkoj Republici?

Do **2. Novembra 2007. godine** dostaviti Ambasadi ČR poštom (Franjevačka 19, 71 000 Sarajevo) ili faxom (033 447 526) ili emailom (anesaterza@gmail.com) sljedeću dokumentaciju:

- formular zahtjeva (ćete pronaći na www.mzv.cz/sarajevo);
- dokaz o završetku studija sa ocjenama:
 - prijave za bakalarski ili petogodišnji magistarski studij: kopiju mature (ako ste već položili) i svjedocanstva svih završenih razreda;
 - prijave za dvogodišnji ili trogodišnji magistarski studij kopiju diplome kao i spisak završenih ispita sa ocjenama;
 - prijave za doktorski studij kopiju svih diploma i spisak završenih ispita sa ocjenama.

Fakultativno možete priložiti drugu dokumentaciju kao što su kopije preporuka profesora, dokazi o završenju jezičkih ili stručnih tečajeva itd.

Kandidati, koji pošalju svu dokumentaciju u navedenom roku, će biti pozvani u Češku Ambasadu na razgovor, koji će se održati u novembru ili decembru 2007. Studentima će istovremeno biti date na raspolaganje detaljnije informacije o mogućnostima studija i stipendija u Češkoj kao i odgovori na druga relevantna pitanja.

Kome se obratiti za dodatni savjet ?

Ukoliko imate interes za studiranje u ČR bez stipendije a želite savjet kako pronaći odgovarajući smjer, fakultet, kako predati prijavu, gdje učiti češki jezik i sl. možete pronaći odgovore na našoj internet stranici www.mzv.cz/sarajevo gdje se nalazi i formular zahtjeva, pregled visokih škola u ČR i informacije o kursu češkog jezika. Možete se obratiti i Ambasadi ČR u BiH telefonom na (033) 447 525 ili emailom na anesaterza@gmail.com, rado ćemo Vam pomoći. Za opšte informacije o Češkoj Republici preporučujemo www.czech.cz.